

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Hainbat ikastetxe itxita eta arazoak eskola garraioan elurraren ondorioz

Hezkuntza Departamentuari jakinarazi zaionez, 317 ikastetxetatik 33 itxi dituzte

Asteazkena, 2018.eko otsailak 28

Hezkuntza Departamentuak jakinarazten du, gaur, otsailak 28, 15:00ak bitartean, eta protokoloari jarraituz ikastetxeek Ikuskaritza-zerbitzura helarazitako datuen arabera, 317 ikastetxetatik [33k utzi dituztela eskolak bertan behera](#).

Goiz osoan zehar aurretik ezarritako protokoloa jarraitu da. Elurte egunetan lekuan lekuko egoeraren arabera ekiten dio ikastetxe bakoitzak, eremu geografikoaren, garraiatutako ikasle kopuruaren eta bestelako faktoreen arabera aldakorra baita. Kasu bakoitzean ikastetxeak dira egoeraren irakurketa egin eta horren arabera hezkuntza komunitateari eta Hezkuntza departamentuari hartutako erabakiaren berri ematen diotenak.

Hala, ohiko prozedurari jarraituz, Ikuskaritza-zerbitzuak eskolaldian zehar batu du ikastetxeek eurek helarazitako informazioa.

Gogoratu beharra dago, goizean goizetik Nafarroako Gobernuaren Hezkuntza Departamentuak gezurtatu egin duela sare sozialen, eta bestelako bitartez, hedatutako komunikazioa, non esaten zen ikastetxe guztietan eskolak bertan behera geratzeko agindua eman dela. Hezkuntza departamentuak iritzi publikoari nahiz ikastetxe guztiei jakinarazi die mezu hori ez zela ofiziala.

Eskola-garraioari dagokionez, ez da gertakari larririk izan. Hala ere, ohiko ibilbideen gutxi gorabehera erdiak ezin izan dira egin. Autobusak hasierako irteerara itzuli behar izan dira Foru Poliziaren aginduz edo errepideen egoera txarrak eraginda, ibilgailuak errepidean gurutzatuta zirelako, eta abar. Kasu batzuetan, gainera, atzera bueltan eraman dituzte ikasleak eskola orduak amaitu aurretik, irakasleek ez dutelako ikastetxera iristerik izan.



Hainbat pertsona elurretan ibiltzen.